



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno 859. Usque Ad Annum 887

**Fleury, Claude**

**August. Vind. [u.a.], 1760**

**VD18 90117875**

§. 49. Multa a Lamberto Romæ vi peraguntur.

---

[urn:nbn:de:hbz:466:1-66112](https://nbn-resolving.org/urn:nbn:de:hbz:466:1-66112)

Sæculum IX. regione excefferint; econtra si morem  
A. C. 878. gefferint, promittit se eis illam Cathedram, quam in Græcia prius tenuissent, redditurum, aut aliam vacantem collaturum. In eadem causa scripsit Papa Michaeli Bulgarorum Regi, hortatus, ut a Græcis recederet, ne Hæresi, in quam sæpe auctoritate Patriarcharum aut Imperatorum suorum impulsus laberetur, & ipse inficeretur. Tandem scripsit etiam Petro Comiti, olim ab eodem Rege, sedente Nicolao Pontifice, Romano misso. Epistolæ istæ decima sexta Aprilis, Indictione undecima, nempe anno octingentesimo septuagesimo octavo datæ, & omnes Paulo & Eugenio Legatis commissæ. Addidit Papa & aliam ad Imperatorem Basilium, in qua commendabat eosdem Legatos, qui ei etiam verbis exposituri essent, quam gravem persecutionem ipse sustineret, & quæ nuper Romæ contigissent; nempe auxilium rogare iussi erant.

ep. 76.

Sup. Lib. L.

§. 54.

Sup. Lib.

LI. §. 54.

ep. 81.

## §. XLIX.

*Multa a Lamberto Romæ vi peraguntur.*

Hic procul dubio Summo Pontifici sermo est de persecutione, quam Lambertus Dux Spoletanus infererat. Hunc Principem a Carolo Imperatore

re (\*) cum copiis subsidiariis, quibus Ci-  
 vitati Romanæ adversus Saracenos præ-  
 sidium præstare imperatum erat, in Ita-  
 liam missum, Papa sibi amicissimum ve-  
 nire credebat. Sed jam mense Octobri,  
 anno superiore, octingentesimo septua-  
 gesimo septimo, cum Lambertus nomi-  
 ne Imperatoris petiisset, ut Romani ex  
 primis stirpibus obsides sibi mitterent,  
 & Papa in solemnibus conventibus id retulis-  
 set, hanc postulationem cuncti indignan-  
 tes rejecerunt. Scripsit ergo Lamberto  
 Pontifex: *Non expedit, te rebus necdum  
 pacatis Romam venire.* Et in alia Epi-  
 stola dicit: *Ærumnæ, quas ab annis duo-  
 bus, Infidelibus & compluribus aliis ho-  
 stibus nos persequentibus, sustinemus, co-  
 gunt nos in Franciam ad Regem Car-  
 lomannum proficisci.* Francia diceba-  
 tur totum Francorum tam in Germania  
 quam

Sæculum IX.  
 A. C. 878.

Chr. Cass.

(\*) Carolus Calvus Imperator anno octin-  
 gentesimo septuagesimo septimo sexta Octobris  
 obiit. Incertum vero erat, quis ex Regibus  
 Francorum hanc Dignitatem esset consecuturus.  
 An non ad securitatem tam Ecclesiæ quam Rei-  
 publicæ præstandam & pacem conservandam  
 satius fuisset, Successioni hæreditariæ in linea  
 primigenita locum dare? Sic enim sublato uno  
 Imperatore non defecisset alter, spes imperan-  
 di autem omnibus aliis præcisa, & cupiditas &  
 ambitio in cunis fuisset jugulata.

Sæculum IX. quam in Gallia Imperium. *Exhortor te*  
A. C. 878. *igitur, subjungit Papa, ne interea Territorium S. Petri hostiliter invadas; quod si feceris, a Sacrae Sedis Communione excluderis. Et post alia: Relatum est ad nos, quod hostibus nostris auxilia pareris (nempe Formoso Episcopo & Gregorio Magistro militiæ) eos Romam reduciturus sis, ut in Bona sua restituas. Unde rogamus te, amicum nostrum per illam spem, quam in te posuimus, ne modo Romam venias, ubi tibi honorem convenientem exhibere non possumus. Plura tibi Gaudericus & Zacharias Episcopi, quos ad te mittimus, aperient. Quod spectat ad Marchionem Adalbertum, certissime scias, nos venientem non esse recepturos, utpote hostem nostrum manifestum.* Tandem, cum Lambertus ad Papam Epistolam dedisset, & loco vocis: *Sanctitas tua*, scripsisset: *Nobilitas tua*, qui titulus viris præcipuis sed sæcularibus tribui solebat, atque reprehendisset, quod sine sua licentia Legationem adornaret, Papa, audaciam exprobrans, amicitia ipsius se renunciare declaravit.

*ep. 37.* Tot admonitionibus spretis Lambertus cum Adalberto & exercitu, adjacentes agros depopulante, Romam movit, atque a Papa in Basilica S. Petri ut amicus exceptus est. Ipse vero, suis portas obsidere jussis, urbem in suam potestatem

*Ann. Fuld.*  
878.

tem redegit, ipsumque Papam in Eccle-  
 sia S. Petri, illa ætate extra civitatem  
 posita, inclusit, nec ut Optimates, Epis-  
 copi, aut Presbyteri quin & familiares  
 ad eum accederent, nisi diu multumque  
 rogatus permisit. Imo etiam prohibuit,  
 ne annona inferretur. Episcopi, Pres-  
 byteri, Monachi ad Basilicam S. Petri so-  
 lemniter procedentes ad offerendum  
 Sacrificium, pulsi & fustibus cæsi. Men-  
 se integro nudum Altare, & Ecclesia si-  
 ne luminari fuit, Officia diei noctisque  
 cessarunt. Pontificis hostes, videlicet  
 Formosus & quos cum ipso condemna-  
 verat, Romam revecti.

Sæculum IX.  
 A. C. 878.

ep. 90.

Lambertus obtendebat, se omnia hæc  
 ita perficere, sicut a Rege Carlomanno  
 sibi imperata essent, atque etiam Roma-  
 nos Principes huic Regi fidem jurare  
 jussit. Attamen sibi ipsi Lambertus Im-  
 perium quærere dicebatur. Postquam  
 Roma excessisset, Papa in Palatium La-  
 teranense transferri jussit totum thesau-  
 rum Basilicæ S. Petri, jussit Altare cili-  
 cio sterni, claudi portas, cessare Officia  
 Divina, & quod magis horrendum vide-  
 batur, peregrinos ex omnibus orbis par-  
 tibus adventantes arceri. Ceterum  
 Lamberto & consciis excommunicatis,  
 constituit ad Carlomannum ceterosque  
 Francorum Reges se conferre, & quere-  
 las movere, quod Urbis Romanæ Sancti-  
 tas

Ep. 85. 88.

Ann Fuld.

Ep. 84.

Ann. Bert.  
 878.

Sæculum IX.  
A. C. 878.

ep. 82.

ep. 84.

tas fuisset violata. At Lamberto omnes vias terra obstruente navem in mari Thuscio vela facturam conscendit. Priusquam itineri se daret scripserat Papa Ansperto Archiepiscopo Mediolanensi, propositum sibi esse, in Francia Concilium universale celebrare, ut tantis Ecclesie malis mederetur, cum illud in Italia haberi non posset, & eum cum omnibus suis Suffraganeis venire jusserat. Data quoque ad Joannem Archiepiscopum Ravennatensem Epistola, omnia, quæ evenerant, edocuit, jubens, ut ea Suffraganeis scriberet, & nemo ad partes Lamberti accedere auderet.

§. L.

*Joannes Papa in Francia.*

ep. 89.

ep. 87.

ep. 88.89.90.

Ubi Joannes Papa Genuam pervenit, Epistolas ad Reges quatuor, Ludovicum Balbum, & tres Ludovici Germanici filios dedit, easque Ansperto Archiepiscopo Mediolanensi, qui ad Papam se contulerat, deferendas tradidit. In prima Epistola Papa Lambertum membrum Antichristi appellat, & accusat, quod e suis aliquos Tarentum misisset, qui pactis cum Saracenis conditionibus copias ab ipsis conducerent. Ludovicum Balbum rogat, ut tres alias Epistolas Regibus patruelibus suis mittat, declarat, quod eum sibi a consiliis deligat,

sicut